



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput LXXXI. Definitio & divisio contractūs societatis, & conditiones ad
justitiam ipsius requisitæ.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

istius belli; in aliis tamen similibus casibus ex æquitate merito practicanda viderentur, ne afflicti debitores nimis inhumaniter à rigorofis creditoribus urgerentur.

866 Quidquid de eo fit, Gudelinus l. 3. de jure noviss. c. 3. n. 31. recte monet, censuum creditores ex debitis pensionibus redditum pristinum augere non posse, nec novum creare, eas in iortem computando. Id enim saepè judicatum est, telle Papon. 1. 12. arrest. 9. argumento deducto ab usuris, quarum reductio in fortē legibus prohibetur. Ita etiam Stockmansius decif. 79.

CAPUT LXXXI.

Definitio & divisio contractus societatis, & conditiones ad iustitiam ipsius requisita.

867 **S**ocietas est conventio duorum, vel plurium, de contribuendo aliquid pretio æstimabile, in commune lucrum, & damnum pro rata.

Dicitur 1º. *conventio duorum, vel plurium:* quia essentialiter postulat celebrari inter plures, & saltem duos, perficiturque solo convenientium consensu, signis exterioribus manifestato, etiam circa scripturam, traditionem, vel aliam solemnitatem. L. 4. ff. pro socio.

2º. *de contribuendo aliquid:* puta pecuniā, operam, industriam, instrumenta negotiationis, scilicet navim, equum, &c. siue singuli idem, siue diversum contribuant, v. g. unus pecuniā, alter operam, &c.

3º. *aliquid pecunia æstimabile:* quia id quod contribuitur, esse debet idoneum ad lucrum & negotiationem, siue interim sit pecunia, siue animalia, siue aliud quidpiam.

868 4º. *in commune lucrum:* iste est enim finis proximus societatis negotiatoriae, de qua potissimum hic.

Dicitur 5º. *& damnum:* quia æquum est, ut cui commune est lucrum, ei commune sit damnum. Qui enim sentit commodum, debet & onus sentire, ut habet Reg. 55. juris in 6. Nam dum societas contrahitur, tam lucri, quam damni communio initur. L. si unus est ff. pro socio. Alias foret societas leonina, per leges reprobata. L. si non fuerint ff. eod. ibi: *Aristo referit, Cassium respondisse, societatem talen coiri non posse, ut alter lucrum tantum, alter damnum sentiat, & hanc societatem leoninam solitum appellare,* ab Apologo leonis, qui cum reliquis feris pactum inerat, ut de omnibus earum praedii participaret, non tamen periculum & laborem ipse subiret. Unde subditur in citata lege: *Et nos consentimus, talen societatem nullam esse, ut alter lucrum sentire, alter vero nullum lucrum, sed damnum sentire: iniquissimum enim genus societatis est, ex qua quis damnum, non etiam lucrum expedit.*

869 Dicitur 6º. *pro rata:* id est secundum pro-

portionem geometricam eorum quæ quisque in commune contulerit.

Societas alia est *animalium;* alia *vestigium & officiorum;* alia *omnium bonorum;* alia *negotiationis,* quæ *quaestus* seu *lucratoria* dicitur. Regulariter initur quoad solum lucrum & damnum ex forte proveniens, dominio fortis manente sub dominio conferenti, juxta L. si tibi ff. de praescrib. verb. & in fact. action. ibi: *Nemo societatem contrahendo rei sua dominus esse definit.* Cui conformiter S. Thomas q. 78. a. 2. ad 5. *Qui committit pecuniam suam mercatori, per modum societatis cuiusdam, non transfert dominium pecunie sua in illum* (regulariter loquendo, nisi contrarium disertè exprimat) *sed remanet ejus, ita quid cum periculo ejus mercator de ea negotiatur.* Et ratio est, quia quod in societatem conferatur, non donatur. L. *societatem ff. eod.* Et societas, simpliciter inita, non praesumitur inita, quoad communicationem bonorum, sed tantum quoad communicationem quæstus. L. 7. ff. eod. ibi: *Cars societatem & simpliciter placet;* & si non fuerit distinctum, videtur costa esse universorum quæ in quatuor venient, hoc est, *si quod lucrum ex emptione, locatione, conductione (vel operâ cuiusque, prout dicitur L. seq.) descendit.* Et hinc conferens pecuniam suam in societatem, potest ex ea lucrum reportare, potius quam conferens eam in mututum: quia cum retineat dominium illius, lucri ex illa partem potest exigere.

Tres modi vulgares sunt istius societatis 870 negotiatoriae, dominio fortis penes conferentem remanente. Primus, quando omnes & singuli socii ponunt industriam, laborem & pecuniam. Secundus, quando unus ponit pecuniam, alter industriam, tertius laborem. Tertius, quando unus pecuniam conferit, aliis industriam & laborem: quod justè fieri posse declaratur §. de illa Instit. de forte. Omnes isti modi liciti sunt, modo conditiones sequentes obseruentur.

Prima, ut pecunia collata verè in negotiationem exponatur. Si enim pecuniam conferens sciret, nullam fecuturam negotiationem, non esset societas, sed mutuum, ex quo, sub ficto societatis nomine, lucrum ultra fortem exigeret. Et sic foret usura. Ita Doctores communiter.

Secunda, ut negotiatio vel opificium sit honestum. Alioqui societas nulla esset, seu irrita. L. nec permittendum ff. eod.

Tertia, ut pecunia collata subjaceat periculo conferentis, ipsi peritura, si eam perire contingat. Quia nullum alium habet iustum lucrandi titulum (dum solam pecuniam conferit) nisi periculum istud.

Quarta, ut per omnia servetur æqualitas inter socios, proportionaliter ad id quod quisque in societatem conferit. Unde quod plus in societatem quis contulit, tanto plus de lucro recipere debet. §. illud expediuum instit.

de societate. Si ergo unus ex sociis pecuniam , alter industria contulerit , considerandum , an in ordine ad negotiationem & lucrum tanti aestimetur industria , quanti pecunia ; & tunc lucrum æqualiter est dividendum. Et idem esse de domino , constat ex definitione societatis: hoc tamen servato discrimine , quod in societate , in qua solius lucri & damni , non sortis sit communio , forsoli pereat conferenti , tamquam domino (sive in principio , sive in medio , sive in fine societatis pereat) ut supra dictum est. In societate vero , in qua sors etiam ipsa , seu dominium illius communicatur , si , eā durante , fors pereat , perit omnibus sociis , pro rata.

⁸⁷² Nec aliud exigit æqualitas hujus contractus : utpote solum servanda in iis quæ communicantur in societate (in quibus commoda & incommoda esse debent communia) non vero in iis quæ non communicantur. Dum igitur sors , v.g. pecunia , non communicatur quoad se , sed solum quoad usum & lucrum , æqualitas hujus contractus non postulat ut commune sit illius periculum quoad se , sed solum quoad usum & lucrum.

⁸⁷³ Atque hinc patet , quomodo , salvâ æquitate hujus contractus , dum unus pecuniam confert , alter operam , seu industria (pecunia domino non communicato) ille qui pecuniam confert , duplice subjaceat periculo , amittendi scilicet pecuniam , & amittendi lucrum illius , ubi conferens industria solum subjecet uni periculo , scilicet lucrum amittendi : semper enim retinet facultatem ad similes industrias , ubi amittens pecuniam non retinet facultatem ad similes usus illius.

C A P U T LXXXII.

Justa & legitima non est societas cum pacto , ut capitale alcum sit ei qui pecuniam in societatem confert , lucram vero communiter dividatur.

⁸⁷⁴ **T**a Concilium Mediolanense I. sub S. Carolo Borromeo tit. de usuris ubi prohibet , ne in societate , in quam alter pecuniam confert , alter operas , lucri distributio constitatur , nisi per duas partes ; nec ultra eas certa pecuniarum summa , vel quid alius conferens pecuniam confertur ; neque fiat pactio , ut sors salva sit , fructus vero communiter dividatur. Idem prohibet Concilium Burdigalense anni 1583. tit. de usur . & illicit. contract. Et generalis Ecclesiae Gallicanae Conventus Melodensis tit. 34. de usuris. Et ratio sumitur tum ex dictis n. 871. quia una ex conditionibus justæ & legitimæ societatis est , ut pecunia collata subjaceat periculo conferenti : tum ex discriminione , quod inter mutuum & societatem intercedit ; quia namque mutuans non est dominus pecunia mutuata ; ex ea lucrum non potest percipere , cō quod

unaquaque res domino suo pereat aut fructificet ; quia vero conferens pecuniam in societatem , pecunia sic collata dominus est , ex ea lucrum percipere potest. Ob causam rationem. Et hoc est quod S. Thomas ait loco citato : *Illi qui committi pecuniam suam vel mercator , vel artifici , per modum societatis , cuiusdam , non transferi dominium pecunia sua in illum , sed remaneat ejus & ita quod cum periculo ipsius mercator de ea negotiatur , vel artifex operatur ; & ideo sic licet potest partem lucris inde provenientis expetere , tamquam de sua.* Societas ergo in mutuum usurarium degenerat , dum pecunia in societatem confertur cum pacto , ut si pereat , quamvis absque dolo & culpa associati , vel associatorum , non pereat conferenti , & nihilominus lucrum inde capiet.

Dixi , si pecunia pereat absque dolo , & cul-⁸⁷⁵ pa associati , vel associatorum : utpote qui tantam diligentiam communicatis rebus adhibere tenentur , quantum suis adhibere solent , ut Justinianus ait lib. 3. Instit. 26. & ideo respondere debent de dolo suo & culpa.

Neque societas sic iniri legitimè potest ,⁸⁷⁶ ut damnum commune non sit , sicut commune est lucrum , vel sic ut sociorum unus lucrum percipiat , ultra quotam partem suam. Quia & utrumque istud est contra naturam definitionemque societatis. Unde L. 52. ff. pro socio dicitur , quod sicut lucrum , ita damnum quoque socii commune esse oportet , quod non culpâ socii contingit. Confer quæ dixi n. 868. commune utique pro rata , seu quota parte pecunia , & opera collata in societatem. Et ideo Concilium Burdigalense vetat , ne in societate , in qua alter pecuniam confert , alter operam , lucrum aliter , quam ex aquis partibus dividatur.

C A P U T LXXXIII.

Contractui societatis adjicere non licet duplex aliquid pactum ; primum , quo sociorum alter sortem in omnem eventum asecuret pecuniam conferenti ; alterum , quo vendatur ipsi lucrum incertum pro certo. Nec proinde licitus est contractus trium (ut vocant) cunctis eodem.

Rem hic aggredimur celeberrimam , in ⁸⁷⁷ qua universi fatentur , cum qui pecuniam contulit in societatem , non posse , ex vi contractus societatis , ab alio associato exigere praestandam sortis securitatem : cum ex definitione , & essentia societatis , in qua dominium pecunia non communicatur , sed usus & fructus duntaxat , damnum quidem & lucrum commune esse debeat , sed collata pecunia periculum soli maneat conferenti , tamquam domino. Verum quæstio est , an contractui societatis licite adjici queant duo alii contractus , scilicet venditionis lucri in-